



P R A V I L N I K

O ORGANIZACIJI I REALIZACIJI SAOBRAĆAJNO/PROMETNO OBRAZOVNIH TAKMIČENJA/NATJECANJA UČENIKA OSNOVNIH ŠKOLA U BOSNI I HERCEGOVINI U 2020.

Na osnovu Pravila međunarodne automobilističke federacije Fédération Internationale de l' Automobile (u daljem tekstu: FIA) za održavanje saobraćajno/prometno obrazovnih takmičenja/natjecanja djece i člana 39. Statuta Bosanskohercegovačkog auto-moto kluba, Upravni odbor BIHAMK-a na sjednici održanoj **11.juna/lipnja 2020.** godine donosi

PRAVILNIK

O ORGANIZACIJI I REALIZACIJI SAOBRAĆAJNO/PROMETNO OBRAZOVNIH TAKMIČENJA/NATJECANJA UČENIKA OSNOVNIH ŠKOLA U BOSNI I HERCEGOVINI U 2020. GODINI

I OPŠTE/OPĆE ODREDBE

Član 1.

Ovim Pravilnikom propisuju se ciljevi i način provođenja saobraćajno/prometno obrazovnih takmičenja/natjecanja učenika osnovnih škola u Bosni i Hercegovini (u daljem tekstu: takmičenje/natjecanje) što ga u saradnji sa lokalnim auto klubovima organizuje BIHAMK.

Član 2.

Cilj takmičenja / natjecanja je unapređenje saobraćajne /prometne kulture mladih i povećanje stepena / stupnja sigurnosti cestovnog saobraćaja / prometa.

Član 3.

Saobraćajno/prometno obrazovno takmičenje/natjecanje organizuje se u 3 (tri) nivoa:

- Školska takmičenja/natjecanja
- Kvalifikaciono školsko takmičenje/natjecanje
- Finalno takmičenje/natjecanje

Neposrednu organizaciju, pripremu i realizaciju školskih takmičenja/natjecanja provode škole u saradnji sa lokalnim auto-moto klubovima.

Kvalifikaciona školska takmičenja/natjecanja organizuje BIHAMK u saradnji sa školama i lokalnim auto-moto klubom.

Finalno takmičenje/natjecanje organizuje BIHAMK.

Član 4.

Rokovi za održavanje takmičenja/natjecanja su:

Školska takmičenja/natjecanja najkasnije do 20. septembra/rujna 2020.godine.

Kvalifikaciona školska takmičenja/natjecanja najkasnije do 10.oktobra/listopada 2020.godine.

Finalno takmičenje / natjecanje biće održano 23. oktobra/listopada 2020. godine.

Član 5.

Pravo učešća na takmičenju/natjecanju imaju učenici osnovnih škola koji u tekućoj godini navršavaju od deset (10) do dvanaest (12) godina, odnosno učenici rođeni 2008, 2009. i 2010. godine .



Takmičari / natjecatelji koji ne budu ispunjavali ovaj uslov / uvjet biće diskvalifikovani. Nije dozvoljen nastup ni takmičarima / natjecateljima koji ispunjavaju gore navedene uslove / uvjete, ali su već imali status predstavnika BiH i BIHAMK-a na dosadašnjim evropskim/europskim takmičenjima / natjecanjima.

Član 6.

Ekipe koje učestvuju na kvalifikacionom školskom takmičenju/natjecanju čine dva dječaka i dvije djevojčice iz škole.

Svaka školska ekipa ima vođu ekipe (nastavnika), koji na kvalifikacionom školskom i **finalnom** takmičenju/natjecanju zastupa ekipu.

Član 7.

Nastavnik koji priprema djecu za takmičenje/natjecanje na školskom nivou određuje i prijavljuje ekipu za naredni kvalifikacioni školski nivo takmičenja/natjecanja, a na osnovu postignutih rezultata pojedinaca na takmičenju/natjecanju.

Krajnji rok za prijavu takmičara / natjecatelja (NA ADRESU ORGANIZATORA - faksom ili e-mail-om) je 21. septembar/rujan 2020. godine, do 12 sati. Prijava se vrši popunjavanjem i ovjeravanjem obrasca u prilogu pravilnika.

Prijava će biti validna samo u slučaju ako sadrži:

- Ime i prezime svakog člana ekipe
- Broj telefona člana ekipe
- Ime i prezime i broj telefona vođe ekipe
- E-mail adresu škole

Ekipa koja ne bude imala prijavu sa naprijed navedenim podacima neće moći pristupiti takmičenju/natjecanju.

Član 8.

Na osnovu rezultata provedenog takmičenja/natjecanja na nivou školskih takmičenja/natjecanja određuje se ekipa škole koja će je predstavljati na kvalifikacionom školskom takmičenju/ natjecanju.

Na osnovu rezultata provedenog takmičenja/natjecanja na nivou kvalifikacionih školskih takmičenja/natjecanja određuje se broj takmičara/natjecatelja iz škole koji će je predstavljati na finalnom takmičenju/ natjecanju.

Na finalnom takmičenju / natjecanju može učestvovati / sudjelovati onoliko učenika koliko ih zadovolji na školskom kvalifikacionom takmičenju/natjecanju.

II TOK/TIJEK TAKMIČENJA/NATJECANJA

Član 9.

Školsko kvalifikaciono takmičenje/natjecanje se sastoji od teoretskog takmičenja/natjecanja koje će se obaviti u određenom vremenskom terminu u Informatičkoj sali škole. Testiranje će biti elektronsko **na online platformi e-testovi**.

Finalno takmičenje / natjecanje se sastoji od teoretskog takmičenja/natjecanja koje će se obaviti u određenom vremenskom terminu u Informatičkoj sali škole. Testiranje će biti realizovano **online na posebno pripremljenim testovima**, nakon čega će biti određen plasman pojedinaca u muškoj i ženskoj konkurenciji.



Član 10.

Prilikom teoretskog dijela takmičenja/natjecanja takmičari/natjecatelji će raditi test iz poznavanja saobraćaja / prometa.

Ispitna pitanja i način provođenja i bodovanja teorijskog takmičenja/natjecanja na nivou škole određuju škole u saradnji sa lokalnim auto - moto klubovima.

Ispitna pitanja i način provođenja i bodovanja teorijskog takmičenja/natjecanja na nivou školskog kvalifikacionog takmičenja/natjecanja određuje BIHAMK .

Ispitna pitanja i način provođenja i bodovanja teorijskog dijela finalnog takmičenja/natjecanja određuje BIHAMK.

III ŠKOLSKO KVALIFIKACIONO TAKMIČENJE

Član 11.

Prijavljena ekipa škole u tačno određenom vremenu pristupa elektronskoj izradi testa **na online platformi e-testovi BIHAMK.**

Username i password dodjeljuje sekretar Komisije za saobraćajna/prometna takmičenja/natjecanja.

Član 12.

Tokom teoretskog dijela takmičenja/natjecanja nastavnik - voditelj saobraćajne/prometne sekcije nema pravo prisustva u prostoru koji je posebno pripremljen za testiranje takmičara / natjecatelja.

Ukoliko se kontrolom utvrdi da je nastavnik - voditelj saobraćajne/prometne sekcije bio prisutan na školskom kvalifikacionom takmičenju/natjecanju ili nekom od takmičara/natjecatelja pomagao pri izradi testa navedena škola će automatski biti diskvalifikovana.

Rezultati i plasman

Član 13.

Pojedinačni plasman u dalji tok takmičenja/natjecanja se određuje na osnovu postignutih rezultata, odnosno na osnovu broja kaznenih bodova. Plasman u dalji tok takmičenja ostvarili su takmičari / natjecatelji koji su tačno riješili 85% testa i više i imaju manje od 5 kaznenih bodova.

IV FINALNO TAKMIČENJE/NATJECANJE

Član 14.

Takmičari/natjecatelji u tačno određenom vremenu pristupaju online izradi posebno pripremljenog testa.

Praćenje realizacije takmičenja/natjecanja provodi sekretar Komisije za saobraćajna/prometna takmičenja/natjecanja.

Član 15.

Tokom realizacije finalnog takmičenja/natjecanja nastavnik - voditelj saobraćajne/prometne sekcije nema pravo prisustva u prostoru koji je posebno pripremljen za testiranje takmičara / natjecatelja.



Ukoliko se kontrolom utvrdi da je nastavnik - voditelj saobraćajne/prometne sekcije bio prisutan na školskom kvalifikacionom takmičenju/natjecanju ili nekom od takmičara/natjecatelja pomagao pri izradi testa **takmičari /natjecatelji iz navedene škole će automatski biti diskvalifikovani.**

Član 16.

Test poznavanja pravila sigurnog saobraćaja/prometa se sastoji od 20 pitanja, koji obuhvata provjeru usvojenih znanja o propisima saobraćaja/prometa na cestama podjeljenih u tri kategorije:

- poznavanje saobraćajnih/prometnih znakova
- ponašanje na raskrsnici / raskrižju
- kretanje po cesti

Takmičari / natjecatelji mogu test ispunjavati najviše 10 minuta, nakon čega se test završava i sva pitanja koja nisu urađena smatraju se netačnima. U osnovi se pitanja oslanjaju na publikaciju "Poznavanje saobraćaja" (Treće izdanje). Ispitna pitanja i način provođenja teorijskog dijela finalnog takmičenja/natjecanja određuje BIHAMK.

Bodovanje će se vršiti po slijedećem principu:

Za svaki pogrešan odgovor na pitanja od 1 do 6 ... 1 kazneni bod
(ova pitanja su najjednostavnija - obična, bez slikovnog prikaza)

Za svaki pogrešan odgovor na pitanja od 7 do 14 ... 2 kaznena boda
(ova pitanja su složenija, sa slikovnim prikazom)

Za svaki pogrešan odgovor na pitanja od 15 do 20 ... 3 kaznena boda
(ova pitanja su najsloženija, sa slikovnim prikazom raskrsnice/raskrižja)

Član17.

Rezultati i plasman

Pojedinačni plasman, u muškoj i ženskoj konkurenciji, se određuje na osnovu postignutih rezultata, odnosno kaznenih bodova. Bolji su rezultat ostvarili takmičari / natjecatelji koji na testu imaju manje kaznenih bodova.

U slučaju da se prva tri mjesta u bilo kojoj konkurenciji ne mogu sa tačnošću odrediti, zato što dva ili više takmičara / natjecatelja imaju isti rezultat, takvi pojedinci će uraditi dodatni test.

Član18.

Prigovori

U skladu sa pravilima europskog saobraćajno/prometnog-obrazovnog takmičenja/natjecanja, sudijska odluka je konačna i na nju nije moguće podnijeti žalbu.

Član 19.

Izvršni organizator za učesnike takmičenja / natjecanja obezbjeđuje:

- Diplomu za učešće / sudjelovanje na takmičenju / natjecanju (za sve takmičare / natjecatelje),
- Medalje za tri najbolje plasirana dječaka i tri najbolje plasirane djevojčice,



- Nagrade za tri najbolje plasirana dječaka i tri najbolje plasirane djevojčice u skladu sa mogućnostima.

V FINANSIRANJE TAKMIČENJA/NATJECANJA

Član 20.

Troškove takmičenja/natjecanja na školskom nivou snosi škola.

Troškove školskog kvalifikacionog takmičenja/natjecanja, kao i troškove finalnog takmičenja/natjecanja snosi BIHAMK.

VI EVROPSKO TAKMIČENJE/NATJECANJE

U skladu sa situacijom vezanom za pandemiju Covid-19 rukovodstvo FIA Regije I donijelo je odluku da se ovogodišnje Evropsko saobraćajno/prometno - obrazovno takmičenje/natjecanje neće održati.

VII PRIJELAZNE I ZAVRŠNE ODREDBE

Član 21.

Ovaj pravilnik je sačinjen u skladu sa Pravilnikom tehničkog komiteta FIA za organizaciju evropskog/evropskog saobraćajnog / prometnog takmičenja / natjecanja, Programom rada BIHAMK-a za 2020. godinu i Odlukom Upravnog Odbora BIHAMK-a 01-2-411/20 od 14. 04. 2020. godine kojom se utvrđuje način funkcioniranja BIHAMK-a u novonastaloj situaciji izazvanoj Corona virusom.

Pristajanjem na učešće / sudjelovanje na takmičenju / natjecanju svi pojedinci i ekipe prihvataju ovaj pravilnik i dužni su u cjelosti poštivati odluke organizatora, odnosno žirija.

Član 22.

Bosanskohercegovački auto-moto klub pridržava pravo provjere poštivanja odredbi ovog pravilnika tokom ili nakon održavanja takmičenja/natjecanja na nižim nivoima/razinama.

Član 23.

Stupanjem na snagu ovog pravilnika prestaju da važe ranije doneseni pravilnici o organizaciji i realizaciji Saobraćajno/prometno - obrazovnog takmičenja/natjecanja učenika osnovnih škola u BiH.

Prilog:

1. Prijavni list

Predsjednik

M.P.

Ivo Komšić



Prilog 2.

PRIJAVNI LIST

Puni naziv ovlaštene organizacije koja prijavljuje ekipu za školsko kvalifikaciono takmičenje/natjecanje

Ime i prezime ovlaštenog pojedinca - odgovornog lica

Mjesto i datum: _____

BIHAMK
KOMISIJA ZA SAOBRAĆAJNA/PROMETNA
TAKMIČENJA/NATJECANJA

N/p SEKRETARA

FAX: 033/ 213 - 668

E-mail: m.imsirovic@bihamk.ba

PRIJAVA ZA SOT UČENIKA OŠ BIH

	IME I PREZIME*	Datum i mjesto rođenja	Telefon*	Pol
1.				Ž
2.				Ž
3.				M
4.				M

* **OBAVEZAN PODATAK**

Zaključno sa rednim brojem 4(četiri).

Ekipu prijavio:

_____ u svojstvu vođe ekipe*

Telefon _____

E-mail škole* _____

Napomena:

Ujedno izjavljujemo da je ova lista konačna, te da je nećemo mijenjati i svi podaci su istiniti!

Ujedno potpisom i ovjerom Prijavnog lista izjavljujemo da smo upoznati sa svim odredbama "Pravilnika saobraćajno / prometno - obrazovnog takmičenja / natjecanja učenika osnovnih škola BiH", te da ćemo poštovati sve odredbe.

M.P.

Potpis:

